

EUSKAL-ERRIA

REVISTA VASCONGADA

T.º LXXIII SAN SEBASTIÁN 15 DE NOVIEMBRE DE 1915 N.º 1140



D. PEDRO VITERI

PEDRO BITERI JAUNA

ARRASATEKO (Mondragon) seme argidotar onen izena Gipuzkoa'ko uri geyenetan irakurtzen da, beren ikaseche apañetan.

Biteri jaunak orido zekiyeen gizon argiyak eta artakuak izango badi-ra gaztetandikan, aur diran bitartian erakutsi biar zayela; zugatz zarra sortzetikan zuzentzen dan bezela, gizonak ere jayotzetikan ikasi biar dubela bide zuzena gero asitzerakoan irago biar duna.

Ikasteko ere gogua biar da, ta gogua izango bada erakutsi biar da zaletasuna ikasleak izango duten eran.

Otarako biar biarrekua da, ikasechiak gogotzuak, zabalak, alayak izatia; ta ez leku batzubetan ikusten diran bezela ukullu ichurakuak, usai charrekuak, illunak, ikaseche baño presondegi geyago diruditenak.

Biterijauna aberatza zan, baño aberatza bezin ongillea, ta ikas-eche jauregiak berriro egiten, diru galanki zabaldu zun.

Lenbizi bere jayoeerriyan, gero Gipuzkoa'ko uri geyenetan banaka, banaka alcha zituben eche eder, apaiñ, argi, zabalak, eta orain Gipuzkoan ezan leike Biteri jaunari eskerrak iñon baño ikaseche ederraguak daudela.

Gipuzkoak ezkertu ziyon bizi zala, ainbeste egin ziyon jaun argidotarrari, ta ill ondorian, bere jayoeerriyan, Arrasaten jaso zuben, 1911^{-garren} urteko Garagar-illaren 29^{-an}, talluntza eder bat, beti jakin dedin Biteri jaun argidotarrak egin zuben mesede gogoangarria.

Goitu dezagun Pedro Biteri jaunaren izen atzegiña.